



Inatsisartuni ilaasortaq, Jens Napātōk
Parti Naleraq

**Imarsiornermik Nakkutilliisoqarfiup Kalaallit Nunaanni akisussaaffiisa
nuunneqarnissaat pillugu § 37 naapertorlugu apeqquteqaammut 2018-132-mut
akissut.**

11-07-2018
Suliaq normu: 2018-14003
Allakkiaq normu: 31489608

Asasara Jens Napātōk

Inatsisartut suleriaasianni § 37 naapertorlugu apeqquteqaatinut nassiussannut qujanaq.
Apeqqutit matuma kinguliani ataasiakkaarlugit allanneqarput, akissummillu
malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**Apeqqut 1. Naalakkersuisut ukiumi 2018 – 2022 Imarsiornermik
nakkutilliisoqarfiup Kalaallit Nunaannut nuunneqarnissaa sulissutigilersaarpat?**

Akissut: Naalakkersuisut suli Imarsiornermik Nakkutilliisoqarfiup akisussaaffiik 2018 –
2022-p ingerlanerani nuussinissaq pillugu aalajangiingillat.

**Apeqqut 2. Imarsiornermik nakkutilliisoqarfik Kalaallit Nunaannut
nuunneqassappat, suut nuunneqarnissaanut sinaakkutissat
pisariaqartinneqarpat?**

Akissut: Matumani suna isumaasoq ersernerluppoq. Tassani sinaakkutissat ilimagaara
apeqqutigigitit. Suli tamakkiisumik nuussinissamut misissueqqissaartoqanngilaq. 2017-
imi imarsiornermik misissueqqissaarneq ilaatigut imaani isumannaallisaanermi
umiarsuarnillu nalunaarsuisarnermi, aammalu imarsiornermut inatsisini suliassaqarfiit
nuunneqarsinnaanerit tunngasuvoq. Tassani sulisut 15-iniit 19-it akornanni
suliassaqarfinnut marluusunut pisariaqartinneqassasut missiliorneqarpoq.

**Apeqqut 3. Imarsiornermik nakkutilliisoqarfik Kalaallit Nunaannut
nuunneqassappat, aningaasat qanoq annertutigisut atorfissaqartinneqarpat?**


Akissut: Oqaatigineqareersutut imarsiornermi suliassaqarfiup tamakkiisup
tiguneqarnissaanut misissueqqissaanermik ataatsimoortumik suliaqartoqarsimanngilaq.
Suliassaqarfinit tallimaasunit suliassaqarfiit marluk taakku, imaani
isumannaallisaanermi umiarsuarnillu nalunaarsuisarnermi, aammalu imarsiornermut
inatsisini suliassaqarfiit tiguneqassappata ukiumut aningaasartuutissat Imarsiornermik
Nakkutilliisoqarfimmit 25-niit 35 millioner koruuninut missiliorneqarput.

**Apeqqut 4. Imarsiornermik nakkutilliisoqarfik Kalaallit Nunaannut
nuunneqassappat atorfilittat sutut ilinniarsimasut pisariaqartinneqarpat?**

Akissut: Pingaartumik inatsisilerituut, imarsionermik immikkut ilisimasallit atorfissaqartinneqassapput. Taakku saniatigut umiarsuarnik nakkutilliisut umiarsuarnilu ingeniørit, kiisalu ilinniagartuut sulisullu allaffissornermik suliaqartut marluk-pingasut atorfissaqartinneqartussaapput. Imarsionermik Nakkutilliisoqarfiup Nuummi ataavartumik sulisui tassaapput umiarsuarni ingeniørit pingasut.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

A handwritten signature in black ink, appearing to read 'Simon Simonsen', written over a horizontal line.

Simon Simonsen